


TEZAU LITURGIC
4 FEBRUARIE

SLUJBA
SF.PREOT-MUCENIC
IOAN
ARTOBOLEVSKI
DE LA
PROKAZNA



MOSCOVA, 2000



Служба сщмч. Иоанну Артоболовскому

На Велицей Вечерни

Стихиры на Господи возвах – 8:

Празднику – 3, И святому – 5: гл.2, подобен

***Егда от древа*:**

Имене ради Твоего:

Законы Превечнаго уясняя, Иоанне,/ Поучая
тем и проповедуя,/ Слова Божия таланты
собирал еси/ Во благой сокровищнице сердца,/
Умножая сия учительством,/ Сего ради и
призывает тя Христос/ На служение
священное,/ Да возсияет тобою верным/
Богоразумия нетленный свет.

От стражи утренняя :

Не мню, глаголет Златоустый,/ Иереем многим
спасенным быти./ О сем прилежно помышляя
еси, Иоанне,/ Сего ради трепетом
благоговейныя души,/ Призванию Господню
повинуясь,/ Благодать пресвитерства
восприемлеши,/ С неюже и благаго икономства
дар,/ В немже является таинственно/
Богоразумия нетленный свет.

Яко у Господа милость:

Сияя достоинством души/ Витийством Духа
изрядствуя/ Всеусердно семя слова

Божественнаго/ Сеял еси в землю юных сердец/
О Иоанне мудрый сеятелю/ Паче же пастырю
богопрославленный/ Иже первее в души
восприял еси/ Послежде же умножил еси,
расточая щедростию,/ Богоразумия нетленный
свет.

Хвалите Господа вси языцы:

Внимая себе и стаду,/ В немже Бог постави тя
пастыря,/ Отзывался еси сердцем чутким/ На
боли без меры страждущих,/ Яже в сиевое
время лютое без меры умножишася,/ И тако
душу твою, Иоанне, уготовал еси/ Ко
искушению лютейшему темницею,/ В нейже
возсия терпеливодушию твоему/ Богоразумия
нетленный свет.

Яко утвердися:

Слову Божию и деянием любви/ Не бывает
заключения,-/ Тако помышлял еси Иоанне:/ Аще
бо и проповедь молчит,/ И доброделанию во
узах места не обретается,/ Обаче усугубляются
молитвы,/ И в души смилившейся
хриstopодражательне/ Слышим есть благодати
глас, яко хлада тонка,/ Еже есть богоразумия
нетленный свет.

Слава, глас и подобен тойже:

Бог приобщися ми и аз по силе Ему,-/ Взывал
еси трепетом Иоанне,/ Бог пострада за мя, и аз
за Него стражду,/ Бог из мертвых возста, да и

аз воскресну/ К некончаемей жизни в Дусе
Святе./ Но Родивыйся мене ради и Умерый,-/
Воскресение даруй духу моему,/ Да во веки
наслажуся/ Светом нетленным богоразумия.

И ныне: Праздника

Стихиры на литии

Слава, гл.3

Молитвами отеческими, о Иоанне,/ Чада твоя
ограждаются,/ Храмы, идеже память чтится
твоя,/ В новом благолепии возстают,/ Се бо
евангельски светлейше/ Яко солнце во Царствии
Отца Возсиял еси, святе, в просвещение наше.//

И ныне глас тойже :

Исполняемому обетованию/ Лицезрит Симеон
Славу Израиля/ С миром старец от уз
разрешается/ Се сияет ему среде смертных
тьмы/ Во откровение языков Свет.//

Стихиры на стиховне, гл.2, подобен:*Доме Евфрафов*:

Земле Пензенская,/ Святовозрастившая/ Лут
духовный умный -/ Спелым украшайся класом/
Иоанном хлебоименным//

Праведник яко финикс:

Храме академический/ Благочестия училище
новое,/ Подвизай к молитве юныя,-/

Дерзновением учительным/ Иоанна
сладковещанного.//

Насаждени в дому:

Соборе новомученик / Облак Истины
свидетелей/ Благодать с Небес пробави/
Сопечальника поющим/ Иоанна
златословесного//

Слава:

Бутово - врата небесныя -/
Страшнодивновеликия -/ Кровию праведничею
священныя,/ Величайтесь подвигом/ Иоанна
священнострадального//

И ныне: Празднику

Тропарь, глас 4

Нивы церковныя благодатный клас/ Плод
сторичный яве приносит/ Воспитуя глаголом
духовным верныя/ Укрепляет надеждею
небесных/ Манною богомыслия насыщает/
Тихону Святейшему соработник мудрый/ Вся
претерпевает злострадания/ Сладкословесный
свидетель Истины Иоанн// Молитвенник о
душах наших/

Стихира по Евангелии, гл.6

Святым, иже суть на Руси святых,/
Новомучеником преславным,/ Удиви Господь
хотение Свое,/ Еже Церковь Русскую
возродити/ Дерзновенным сих ходатайством,/

Сего ради о уделе своем умоляюще / Иоанну
пречудному возопиим: / Радуйся, новый
священномучениче

Канон

Празднику на 3 и сей святому, гл.4,
егоже краегранесие: Воздохни о нас
дерзновенне отче Иоанне

Песнь 1

Ирмос: Моря чермную пучину невлажными
стопами древний пешешествовав Израиль
крестообразными Моисеевыми руками
Амаликову силу в пустыни победил есть.
Святой священномучениче Иоанне, моли Бога о
нас:

Воспети новаго Иоанна златые уста, вкупе и
житие со страданием, Слове Божий, сподоби,
обычною Ти щедростию восполнив скудость мою
Святой священномучениче Иоанне, моли Бога о
нас:

От корене благочестива прозябает благодати
тезоименная отрасль, исполнь дивных даров,
трудами сим умножаемым.

Слава: Зело искусен паки и терпелив являеши
во учении, Иоанне, в немже светел ум паки и
сердце чуткое притязает от юности, мудрее.

И ныне: Дщи фараонова пророка и вожда воспитует, от воды взятаго, Дева же Мариам ныне в Церковь вносит рукою того воды Разделившаго.

Песнь 3

Ирмос: Лук сильных изнеможе и немощствующии препоясашася силою сего ради утвердися в Господе сердце мое.

Святой священномучениче Иоанне, моли Бога о нас:

О теплоте веры сердечныя ревнует словом и житием Иоанн-ученик, яко и соученику того Фаддею чудному, в слове и подвиге изрядному, зело дивится.

Святой священномучениче Иоанне, моли Бога о нас:

Христос сотвори прегрешения наша мучением совести Своей, - в дерзновении свидетельствуеши, Иоанне, добрым пастырством сему образу подобяся.

Слава: Немошь нашу восприемлет приискренне приобщивыйся нам, - с Павлом воззовеши о Христе, да и в твоей немощи, яко новоизбранна благодати сосуда, сила совершится Христова.

И ныне: И неслышен хвалы глас неплодных древле Анны Богу слышим и удобоответен есть,

и иныя Анны Прозябение Чудный Грозд воздает
ныне Насадителю Твари.

Седален, гл.6

Смертное осуждение имея в себе апостольски,
Иоанне, убиения лютаго не убоялся еси, всю
надежду полагая во Христе, мертвыя
возставающим.

Слава и ныне: Праздника

Песнь 4

Ирмос: Вознесена Тя видящи Церковь на Кресте
- Солнце праведное - ста в чине своем, достойно
взывающе : слава силе Твоей, Господи.

Святой священномучениче Иоанне, моли Бога о
нас:

О словес силы, о глубины неизглаголанная, о
чувства презящна Божиих таин, - како ти
воспоем, о Иоанне! Обаче дерзаем твоими
молитвами.

Святой священномучениче Иоанне, моли Бога о
нас:

Не судит Богочеловек Христос в немоцней
потребе человека – зриши в сем, Иоанне
премудре, снисхождение Того и ко внешней
культуре, аще и к премирным немоцна та есть.

Святой священномучениче Иоанне, моли Бога о
нас:

Аггелу подобяся падшему, человекобожеское мнит, яко Богочеловеческому противодостойное – духом зриши сие, Иоанне, о вещи лукавем нынешнем.

Слава: Святит Христос и о хлебе насущнем заботу,- проницаеши, Иоанне, глубины евангельския, - паки и служение приемлет Марфино, аще токмо не небрежет и та о Марииней душевной жажде.

И ныне: Дщи Фануилева радостотворит люди , присно с ней радости vine - Богородице - вопиющей: слава силе Твоей, Господи.

Песнь 5

Ирмос: Ты, Господи мой, Свет в мир пришел еси, Свет святыи, обращаеши из мрачна неведения верою воспевающия Тя.

Святыи священномучениче Иоанне, моли Бога о нас:

Еже сердцем чистым стати мыслию на человечестве Христове, - восторгом, Иоанне, восклицаеши – невозможно не зрети и Божество Иисуса-Господа.

Святыи священномучениче Иоанне, моли Бога о нас:

Риторов новых обличаеши богоборное, яко не ведая, сами возвещают премудрости и любви

Иисусовой недосязаемым быти человеками, явсущим Божественным.

Слава: Заповедь даде Спас о любви новую, небрегущим нам, увы, о той сладчайшей, - стенещи, Иоанне, из глубины души – сего ради паки страждет Христос среде мрака века сего, просвещеннем ажеименуеме.

И ныне: Неведения Исаина разрешается мрак Боговидением, и мы, Богомати, беззаконий наших свободждаемся причащением Сына Твоего пренебесных Таин.

Песнь 6

Ирмос: Пожру Ти со гласом хваления, Господи, - Церковь вопиет Ти, от бесовския крове очищися ради милости от ребр Твоих истекшею кровию.

Святый священномучениче Иоанне, моли Бога о нас:

О Единем Спасе уязвлени есмы забвением, - сокрушением сердечным вопиеши, - обаче да не соузвимся унынием, се бо Той Всемиловитый не забыл есть нас.

Святый священномучениче Иоанне, моли Бога о нас:

Восплачите, людие, **восплачите** над бездыханным нас ради Христом, - сие взывал еси, новый Иоанне, - путие ваша исправить

потщитесь , се бо в тихом храма пристанищи
всех приемлет Создатель всех.

Слава: Единая бе душа во ученицех
апостольских, любовью еже во Христе
связуемым, - слезиши, Иоанне, о древнем и
видимем – и сие нам обличение и образ есть,
суетою соугнетаемым.

И ныне: Нетленный Един носим
Неискусобращней познавается старцем
Младенец-Бог, да всего от тли спасет
одряхлевшего грехми человека.

Кондак, гл.4

Семя Божия званія восприим/ Доброю землею
твоего сердца,/ Умножал еси веры сеяние,
Иоанне мудре,/ Мольбами же слезными ниву
Церкве орошая,/ Жатву ангелов многоусугубил
еси,/ Иже классы восприяша праведных душ,/
Возделанных тобою, священнострадальче.

Икос

Яко истинный рачитель учения, паче же
воспитания делатель искуснейший явился еси,
Иоанне мудре, сего ради слово твое и поныне
действительно и удобопостижно есть, се бо умы
озаряет верных, паче же совесть
богобоязненных уязвляет, просвещаемых тобою,
священнострадальче

Песнь 7

Ирмос: В пещи авраамстии отроцы персидстей любовию благочестия паче, нежели пламенем опаляеми взываху: благословен еси в храме славы Твоея, Господи.

Святой священномучениче Иоанне, моли Бога о нас:

Не нерадивый о даре слова, с возложением руку священничества восприятom, ныне ревнует Иоанн о большем, пути превосходнейшу исповедания тому открывающуся.

Святой священномучениче Иоанне, моли Бога о нас:

Еже к людям любви сострадательней агрономы наставивый, ныне, отвсюду изган, всякой души христианстей состраждуя, земными небесная обретает.

Слава: О всех пекийся прилежне словом и любовию деятельней, ныне вся оставляет житейская нуждею Иоанн, да уготовится трисвятую песнь во веки воспеть Животворящей Троице.

И ныне: Тартара не страшится Симеон, не убоятся и новомученицы лютости богоборцев, благословя, Пресвятая, Сына Твоего в храме славы божественныя.

Песнь 8

Ирмос: На Кресте плотию носим пригвожденнаго и показавшаго нам оружие во спасение, отроцы превозносите Христа, Бога нашего, во веки.

Святой священномучениче Иоанне, моли Бога о нас:

Человечество на земли воспевай Спаса Христа, ныне тщится исповеданием Божественное Того на небесех возславить.

Святой священномучениче Иоанне, моли Бога о нас:

Еже жити Христос ми бысть, и еже умрети яве приобретение, аще дух уготовлю ко свидетельству конечному о Том – Жизни истинней.

Благословим: Истязания наста час мужа духовна, ни от когоже истязуемем, токмо от Христа-Судии, нас ради Истязаннем.

И ныне: Оружие и Тебе, Мати Чистая, душу пройде, егда зрела еси страдания новых мученик, во веки Сына Твоего и Тя славящия.

Песнь 9

Ирмос: Сотвори державу мышцею Своею, низложи бо сильныя со престол и вознесе смиренныя Бог Израилев. В нихже посети нас

Восток с высоты и направил ны есть на путь мира.

Святой священномучениче Иоанне, моли Бога о нас:

Ангелом труд плачевный содеваемое в Бутове безчеловечие о тебе, Иоанне славне, и о сострадальцах твоих.

Святой священномучениче Иоанне, моли Бога о нас:

Немотствуют сладкословеснаго Иоанна уста, исполнену того духу смирения, исполняему слову и житию, яже во Христе.

Слава: **Н**ыне рабы Твоя, Владыко, с миром отпускаеши, - вопиют Иоанн, Николай, вкупе и инии священномученицы, устреляеми безчеловечными, ангелы же на небесех сретаеми

И ныне: **Е**гда славнии новомученицы воздохнут о нас Богородице, уповаем Тою спасение улучити и возопити Благословенней: Яже о всех благая Мати - слава Тебе.

Светилен:

Се Иоанн светильник ясен светит - се ко Христу стезя нам расширяется.

Слава и ныне: Праздника

Стихиры на хвалитех, глас 5-й, подобен

***Радуйся*:**

Хвалите Его на силах Его:

Радуйся Иоанне пребогате,/ Богоданныя
 таланты умноживый/ Труды премногими
 неусыпными,/ Заповедей хранением
 тщательным,/ Паки в лишениях
 долготерпением,/ Ныне же воздаянием
 наслаждаешься:/ Мерею Божиею
 преутрашенною,/ Прославляя на лоне
 праведничи/ Троицу Единосущную и
 Нераздельную.//

Хвалите Его во гласе трубне:

Радуйся Иоанном святым подобниче:/
 Крестителю – Божественною ревностию,/
 Зрением таин премирных – Богослову,/
 Златоустому же дерзновением,/ Ясностию слова
 – Лествичнику,/ Дамаскину – витийством
 изящнейшим,/ Святителю Александрийску –
 щедростию,/ Пастырю же Кронштадтску –
 изобилием даров/ Троицы Единосущыя и
 Нераздельныя//

Хвалите Его в тимпане и лице:

Радуйся новым Российским мучеником
 сопричастниче:/ Первому в тех Иоанну духом
 храбростным,/ Восторгоименному же
 златословесным даром,/ В вере церковней
 стоянию – Иллариону,/ Фаддею же славному –

немощих утешением,/ Снесением креста
пастырца – Святейшему Тихону,/ Истины
исповеданием – Петру, того преемнику,/
Священному же Серафиму – сомученичеством в
Бутове,/ Темже молитесь вси о нас
Единосушной Троице.//

Хвалите Его в кимвалах доброгогласных:

Радуйся Иоанне прехвальне,/ Чудный жития
образ на земли оставивый,/ О часе конца
помышляй тщательно,/ Имже подвиг твой
запечатлевый/ Славною кончиною мученика,/
Да в вожденном свете жития вечного/
Воспоеши вся животворящую/ Троицу
Единосушную и Нераздельную./

Слава, глас 6:

Сирь не остави ны, отче,/ Прииди стани с
нами,/ Настави милостиве,/ Како всем житием
петти Христа/ Паки и твой любви к Нему подвиг.

На Литургии

Прокимен, гл.4: Тебе ради, Господи,
умерщвляеми есмы весь
день. **Стих:** Вменихомся, якоже овцы заклания.

Апостол к Римляном, зачало 99

Аллилуиа: Возваша праведнии, и Господь
услыша их **Стих:** Многи скорби праведным, и от
всех их избавит я Господь

Евангелие от Луки, зачало 106

